



**ATASSUT**

**UPA14/152-1**

**Knud Kristiansen**

**29.04.2014**

**Kalaallit Nunatsinni dialysertartut amerlanerit Nunatsinni dialysertarnissaat anguniarlugu iliuusissamut pilersaarummik sanaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissanut pilersaarut saqqummiuteqquneqarpoq kingusinnerpaamik Inatsisartut 2015-mi upernaakkut ataatsimiinneranni.**

(Inatsisartunut ilaasortaq Mimi Karlsen, Inuit Ataqatigiit)

ATASSUT-miit siunnersuuteqartoq qutsavigaarput.

ATASSUT-miit isumaqarpugut, siunnersuut siunissaq ungasinnerusoq eqqarsaatigalugu pingaaruteqartoq malinnaaffigilluassallugu, aammalu nalilersortuassallugu qaqugukkut periarfissaassanersoq, aningaasatigut aamma sulisoqarnikkut peqqinnissaqarfimmilu avatangiisitigut, atortorissaarutit, aammalu sulisut ilinniarsimasut passussinissamut nakorsallu immikkut tassunga ilinniarsimasut eqqarsaatigalugit, tamakku pigilernerini nunatsinnut nuunneqarsinnaanera ATASSUT-miit pingaartilluinnarparput.

Dialysertartut eqqarsaatigalugit apeqqut pillugu 2010-mi ATASSUT-miit § 37 atorlugu Naalakkersuisunut apeqquteqaateqarpugut, nunatsinnut suliarinnissinnaanerup inississinnaanera, aammalu tartuluttut pillugit apeqqut tamaat eqqarsaatigalugu. Taamanikkut Naalakkersuisuusut akissuteqarput, tartuluttut isumagineqarnerat nunatsinnut nuunneqarnissaa pilersaarutaanngitsoq, taamaattorli pissutsit malinnaaffigeqqissaarneqartut, taamatut napparsimasut ikippallaarmata, aammalu nunatsinni peqqinnissaqarfinni pissutsit amerlasuut naammasseqqaartariaqartut tamatuma nunatsinnut angerlaanneqarsinnaalernissaanut, minnerunngitsumillu aningaasatigut annertuumik peqqinnissaqarfik pisariaqartitsissammat.

Manna siunnersuut eqqarsaatigalugu, maluginiarparput Naalakkersuisut akissutaat aallaavigalugu 2010-miit maannamut pissutsit allanngungaarsimannngitsut, aammalu suli maannamut



## ATASSUT INATSIARTUNI

---

malinnaaffigeqqissaarneqartoq ineriartorneq, periarfissanillu nutaanik takkuttoqarnerseq.  
Tamannalu ATASSUT-miit paasilluarparput.

ATASSUT-miillu pissutsit taamaakkallarnerat akueralugu, periarfissatut qiviaqquarput,  
nunaqqativut tartulunnertik pissutigalugu qallunaat nunaanniittariaqartut, ilaatigut  
sivisoorujussuarmik, arlaatigut ilaqutariissutsip tungaatigut oqilisaanneqarsinnaanerat inuttut  
maqaasinermullu attuumassuteqartutigut oqilisaaviginissaat periarfissaatikkusukkatsigu.

Naliginnaasumik tartuluttut ingerlaannaq nunatsinnukarsinnaannginnerat pissutigalugu ilaqutaasut  
ornigutsinneqartarsinnaanerat ukiumulluunniit ataasiarluni, ATASSUT-miit  
aqqutissiuukkusupparput, tassami nunagisamut angerlarsinnaannginneq nappaateqarneq  
pissutigalugu imaannaanngitsorujussuuvoq, tamanna inuttut annertuumik sunniuteqaannarani  
aamma ilaqutariissutsikkut ilaqutariit tamarmik eqqorneqaatigisarpaat. Taamaattumik ATASSUT-  
miit isumaqarpugut pisortat salliullutik tamanna aqqutissiuuttariaqaraat.